



НИЙГЭМ, СЭТГЭЛ СУДЛАЛЫН ДЭЭД СУРГУУЛЬД 2023-2024 ОНЫ ХИЧЭЭЛИЙН ЖИЛД ОЮУТАН ЭЛСҮҮЛЭХ ЖУРАМ

Нэг. ЕРӨНХИЙ ЗҮЙЛ

- 1.1. Нийгэм, сэтгэл судлалын дээд сургуулийн /цаашид НССДС гэнэ/ бакалаврын үндсэн болон цагийн хөтөлбөрт оюутан элсүүлэхэд энэхүү журмыг баримтлах бөгөөд БШУ-ны сайдын 2022 оны А/540 тоот тушаал, НССДС-ийн Бакалаврын сургалтын журамд нийцсэн байна.
- 1.2. Оюутан элсүүлэх үйл ажиллагаа нь хүний сурч боловсрох эрхийг хангасан, хүртээмжтэй, ил тод, шударга, тэгш хамруулах зарчмыг хангасан байна.
- 1.3. 2023-2024 оны хичээлийн жилд НССДС-д оюутан элсүүлэх хяналтын тоог хөдөлмөрийн зах зээлийн эрэлт хэрэгцээ, сургуулийн материаллаг бааз, багшлах бүрэлдэхүүний нөөц хангамж зэрэгт үндэслэн сургуулийн Удирдах зөвлөл тогтооно.
- 1.4. Элсэлтийн комиссыг захирлын тушаалаар байгуулан ажиллуулна.
- 1.5. Элсэлтийн журам, элсэлтийн ерөнхий шалгалт /ЭЕШ/-ын оноог тооцох болон холбогдох бусад мэдээллийг [нийгэм судлалын дээд сургууль](http://usp.mn) гэсэн фэйсбүүк хуудас болон <http://usp.mn> цахим хуудсанд байрлуулна.
- 1.6. Улаанбаатар хот болон бусад аймаг, хотоос оюутан элсүүлэх ажлыг газар дээр нь биечлэн болон цахим хэлбэрээр хоёр удаа зохион байгуулна.
- 1.7. НССДС-д оюутан элсүүлэх мэргэжлийн хөтөлбөр, индекс, хяналтын тоо, суралцах хугацаа, хэлбэр, нийт судлах багц цаг, оюутан элсүүлэх нийтлэг шалгуур, босго оноо, сургалтын төлбөрийн хэмжээ зэрэг мэдээллийг сургуулийн цахим хуудас болон бусад мэдээллийн хэрэгсэлээр олон нийтэд түгээж ажиллана.
- 1.8. Элсэгч нь энэхүү журмын хэрэгжилт, сургуулийн Элсэлтийн комиссын үйл ажиллагаатай холбоотой санал, гомдлоо бичгээр гаргаж болно.
- 1.9. Журмын нэр, томъёоны тайлбар, тодорхойлолт:
 - 1.9.1. “Хяналтын тоо” - элсүүлэх оюутны тоог;
 - 1.9.2. “Бүртгүүлэгч” - элсэхээр хүсэлт гаргасан иргэнийг;
 - 1.9.3. “Элсэгч” - хяналтын тоонд багтан элсэх эрхээ баталгаажуулсан бүртгүүлэгчийг;
 - 1.9.4. “Шилдэг элсэгч” - олон улс, улс, аймаг, дүүргийн хэмжээний Нийгэм судлал, Монгол хэл, Гадаад хэл, Математик, Мэдээлэл зүйн олимпиад, урлаг, спортын зэрэг уралдаан, тэмцээнд амжилт гаргасан, нийгэм, олон нийтэд тустай сайн үйл хийсэн элсэгчийг;
 - 1.9.5. “Тэтгэлэг” - НССДС-аас нийгмийн хариуцлагын хүрээнд оюутанд олгодог тодорхой болзол бүхий сургалтын төлбөрийн хөнгөлөлтийг;
 - 1.9.6. “Элсэлтийн систем” - сургуулийн элсэлтийн цахим бүртгэлийн системийг;
 - 1.9.7. “Элсэлтийн комисс” - элсэлтийн үйл ажиллагааг зохион байгуулахаар томилогдсон ажлын хэсгийг;
 - 1.9.8. “Мэргэжлийн хөтөлбөр” - Сургалтын тусгай зөвшөөрөлд заасан бакалаврын зэрэг олгох тухайн мэргэжлийн нэршил, хөтөлбөрийг;
 - 1.9.9. “Үндсэн хөтөлбөр” - 4 жилийн хугацаанд өдрийн хэлбэрээр суралцуулах хөтөлбөрийг;
 - 1.9.10. “Цагийн хөтөлбөр” - 2-2,5 жилийн хугацаанд эчнээ болон цахим хэлбэрээр суралцуулах хөтөлбөрийг тус тус ойлгоно.

Хоёр. ЭЛСЭГЧДЭД ТАВИХ НИЙТЛЭГ ШААРДЛАГА, БОСГО ОНОО

- 2.1. Бүртгүүлэгч нь энэхүү журмыг уншиж судалсан байх үүрэгтэй.
- 2.2. НССДС-д элсэхээр бүртгүүлэгч нь бүрэн дунд буюу түүнээс дээш боловсролтой байна.
- 2.3. НССДС-ийн үндсэн хөтөлбөрийн өдрийн ангид элсэхийг хүсэгч нь 2023 онд ЭЕШ өгч БҮТ-ийн батламж авсан, ЭЕШ-ын хичээлийн төрөл, оноо нь НССДС-д элсэх шаардлага, босго оноог /480/ хангасан байна. 2021, 2022 онд ЭЕШ өгсөн иргэн элсэх бол босго оноо 440 байна.
- 2.4. Бакалаврын дээд боловсролтой иргэн шалгалтгүйгээр элсэн суралцаж болно.
- 2.5. НССДС-д элсэхийг хүссэн иргэн нь элсэлтийн цахим бүртгэлийн системд <http://usp.mn/burtgel> хаягаар нэвтэрч бүртгүүлсэн байна.
- 2.6. НССДС нь дараах шалгуур, босго оноог хангасан иргэнийг Сэтгэл судлал мэргэжлийн бакалаврын хөтөлбөрт элсүүлэн суралцуулна. Үүнд:

ҮНДСЭН ХӨТӨЛБӨР /өдрийн сургалт/					
№	Мэргэжил	Шалгуур /ЭЕШ-ын хичээл/		Кредит	Хугацаа
		Хичээл-1	Хичээл-2		
1	Сэтгэл судлал	Нийгэм судлал, Математик	Монгол хэл, Англи хэл /аль нэгийг сонгох/	120	4 жил
ЦАГИЙН ХӨТӨЛБӨР /эчнээ, цахим сургалт/					
№	Мэргэжил	Шалгуур		Кредит	Хугацаа
1	Сэтгэл судлал	Бакалаврын дээд боловсролтой		80	2-2,5 жил

- 2.7. Үндсэн хөтөлбөрөөр өдрийн ангид элсэгч нь Нийгэм судлал, Математик хичээлээр /заавал/ болон Монгол хэл, Англи хэл хичээлийн аль нэгээр ЭЕШ өгсөн байна.
- 2.8. Үндсэн хөтөлбөрөөр өдрийн ангид элсэгчийн оноог тооцохдоо суурь шалгалтын /хичээл-1/ оноог дагалдах шалгалтын /хичээл-2/ онооны нийлбэрийг гуравт хувааж гаргах бөгөөд 480, түүнээс дээш оноотой бол бүртгүүлэгчийг тус сургуульд элсэх болзол хангасан хэмээн үзэж Элсэлтийн комисс бүртгэлийг баталгаажуулна.
- 2.9. ЭЕШ өгөөгүй болон ЭЕШ өгсөн боловч НССДС-д элсүүлэх босго оноонд хүрээгүй бол элсэгчээр бүртгэхгүй.

Гурав. ЭЛСЭХ ХҮСЭЛТ ГАРГАХ, БҮРТГҮҮЛЭХ, ГЭРЭЭ БАЙГУУЛАХ

- 3.1. Оюутан элсүүлэх ажлыг ЭЕШ дууссан өдрөөс хойш ажлын 10 хоногт багтаан хийж гүйцэтгэнэ.
- 3.2. НССДС-д өдрийн хөтөлбөрт элсэх шалгуур, болзлыг хангасан элсэхийг хүсэгч нь дараах хэлбэрүүдээр бүртгүүлж болно. Үүнд:
 - 3.2.1. 2023 оны 7-р сарын 10-ны дотор <http://usp.mn/burtgel> хаягаар бүртгүүлэх;
 - 3.2.2. 2023 оны 8-р сарын 01-25-ны хооронд өөрийн биеэр ирж бүртгүүлэх.
- 3.3. НССДС-ийн өдрийн ангид элсэгч нь 2023 оны 8-р сарын 30-ны дотор сургууль дээр ирж сургалтын мэдээллийн системд бүртгүүлж, суралцагчийн гэрээ байгуулна. Дурдсан хугацаанд гэрээ байгуулаагүй элсэгчийг бүртгэлээс хасна.
- 3.4. Өдрийн ангид элсэгч нь суралцах гэрээ байгуулахдаа дараах баримт бичгүүдийг бүрдүүлсэн байна. Үүнд:
 - 3.4.1. ЭЕШ-ын батламж /эх хувь/;
 - 3.4.2. Бүрэн дунд боловсролын гэрчилгээ /эх хувь/;
 - 3.4.3. Сургалтын төлбөр төлсөн баримт.
- 3.5. Цагийн хөтөлбөрт эчнээ хэлбэрээр элсэхийг хүсэгчийг <http://usp.mn/burtgel> вэбхуудас, сургуулийн фейсбүүк пэйж хуудсаар 2023 оны 9-р сарын 01-20-нд /намрын улирал/, 2024 оны 2-р сарын 01-20-нд /хаврын улирал/ бүртгэнэ.

- 3.6. Цагийн хөтөлбөрөөр элсэгч нь суралцах гэрээ байгуулахдаа дараах баримт бичгүүдийг бүрдүүлсэн байна. Үүнд:
- 3.6.1. Бакалаврын дипломын хуулбар;
 - 3.6.2. Иргэний үнэмлэхний хуулбар;
 - 3.6.3. Сургалтын төлбөр төлсөн баримт.
- 3.7. Элсэлтийн бүртгэлийн хураамжийн хэмжээ 10,000 төгрөг /цагийн хөтөлбөрт элсэгч 20,000 төг/ байна. Хураамжийг банкин дахь сургуулийн данс болон санхүүд бэлнээр тушааж болно. Бүртгэлийн хураамжийг буцаан олгохгүй.

Дөрөв. СУРГАЛТЫН ТӨЛБӨРИЙН ТЭТГЭЛЭГ, ХӨНГӨЛӨЛТ

- 4.1. НССДС-д элсэгч нь ЭЕШ өгсөн амжилтаараа эхний нэг жил сургалтын төлбөрийн хөнгөлөлт эдлэх эрхтэй. Үүнд:
- 600-650 оноотой бол 20%-ийн хөнгөлөлт;
 - 651-700 оноотой бол 40%-ийн хөнгөлөлт;
 - 701-750 оноотой бол 60%-ийн хөнгөлөлт;
 - 751-800 оноотой бол 100%-ийн хөнгөлөлт.
- 4.2. НССДС-ийн Шилдэг элсэгч нь эхний нэг жил сургалтын төлбөрийн дараах хөнгөлөлт, дэмжлэгийг эдлэх эрхтэй. Үүнд:
- Аймаг, дүүргийн хэмжээнд олимпиад, урлаг, спортын уралдаан, тэмцээнд 1-3-р байрт шалгарсан амжилт үзүүлсэн бол 30%-ийн хөнгөлөлт;
 - Улсын хэмжээнд олимпиад, урлаг, спортын уралдаан, тэмцээнд 1-3-р байрт шалгарсан амжилт үзүүлсэн бол 50%-ийн хөнгөлөлт;
 - Олон улсын хэмжээнд олимпиад, урлаг, спортын уралдаан, тэмцээнд 1-3-р байрт шалгарсан амжилт үзүүлсэн бол 70%-ийн хөнгөлөлт.
- 4.3. НССДС-ийн оюутан нь сургуулийн “Одтой оюутан” хөтөлбөрт хамрагдаж 5 одны болзол хангасан тохиолдолд сургалтын төлбөрийн 100%-тай тэнцэх хэмжээний мөнгөн тэтгэлэгийг жил бүр олгоно.

Тав. ЭЛСЭЛТИЙН КОМИССЫН ҮЙЛ АЖИЛЛАГАА

- 5.1. Элсэлтийн комисс нь элсэлтийн үед баримтлах хэм хэмжээ, дэг журам, комиссын гишүүдийн ажил үүргийн хуваарилалт, элсэлтийн үйл ажиллагааг зохион байгуулах, явцын хяналт тавих, оюутан элсүүлэхтэй холбоотой маргаан, өргөдөл, гомдлыг тухай бүрт шийдвэрлэх зэрэг асуудлыг хариуцан ажиллана.
- 5.2. Элсэгч нь хяналтын тоонд багтсаны дараа өөрийн хүсэлтээр суралцахаас татгалзсан тохиолдолд сургалтын жилийн төлбөрийн 5 хувьтай тэнцэх төгрөгийг сургуулийн дансанд тушааж боловсролын бичиг баримтаа авна.
- 5.3. Тухайн жилийн элсэлтийн үйл ажиллагааны тайланг Элсэлтийн комисс бичгээр тайлагнана.

НИЙГЭМ, СЭТГЭЛ СУДЛАЛЫН ДЭЭД СУРГУУЛИЙН ЗАХИРГАА

- Хаяг: Улаанбаатар хот. Баянгол дүүрэг. 25-р хороо. Нарны зам 16/4. НССДС
- Вэбсайт: usp.mn
- Facebook хаяг: *нийгэм сэтгэл судлалын дээд сургууль*
- Бүртгүүлэх холбоос: usp.mn/burtgel
- Утас: 9609-2222, 9035-2222, 9065-2222, 9087-2222, 11-362511